

Иффат - зинодан сақланишдир | Тазкия дарслари (319-дарс)



19:00 / 01.03.2025 2453

Иффатнинг бошқа бир маъноси – зинодан сақланишдир. Бу ҳақда Аллоҳ таоло шундай марҳамат қилади:

فَضْلِهِ مِنَ اللَّهِ يَغْنِيهِمْ حَتَّىٰ نَكَاحًا يَجِدُونَ لَا الَّذِينَ وَلِيَستَعْفِف

«**Никоҳ**(имкони)ни топа олмаганлар, то Аллоҳ уларни **Ўз** фазлидан бой қилгунича, иффатларини сақласинлар» (Нур сураси, 33-оят).

Ушбу оятда уриниш ва ҳаракатлар билан ҳам никоҳли бўлиш имконини топа олмаганлар нима қилишлари лозимлиги баён этилмоқда.

Аллоҳнинг йўлида жиҳод қилишни истаган мужоҳид ғозийга пул-мол ва бошқа нарсалар ила ёрдам бериш қанчалик савоб иш экани ҳаммага маълум. Уйланиб, иффатини сақламоқчи бўлган шахсга ёрдам бериш ҳам қанчалик савобли иш экани ушбу ҳадисдан очиқ-ойдин англашилиб турибди.

Иффат фақат ёшлар учун эмас, кексалар учун ҳам фазилатдир. Аллоҳ таоло бу ҳақда марҳамат қилиб, қуйидаги ояти каримани нозил қилган:

سَمِعَ وَاللَّهُ لَهُمْ خَيْرٌ يَسْتَعْفِفُونَ وَأَنْ يَزِينَهُ مَتَبَرِحْتِ عَيْرِ ثِيَابَهُمْ يَضَعُونَ أَنْ جُنَاحُ عَلَيْهِمْ فَلَيْسَ نِكَاحًا يَرْجُونَ لِأَنَّ النِّسَاءَ مِنْ وَالْقَوَاعِدُ

عليه

«Аёллардан (кексайиб) ўтириб қолган, никоҳни умид қилмайдиганларига зийнатларини кўз-кўз қилмаган ҳолда кийимларини қўйишларида гуноҳ йўқдир. Иффатларини сақласалар, ўзлари учун яхшидир. Аллоҳ ўта эшитувчидир, ўта билувчидир» (Нур сураси, 60-оят).

Ушбу оятдаги «кийимлари»дан мурод катта ёпинчиқ ва устандан кийиладиган ридодир.

Аёл киши ўта қариб, никоҳдан умуман умидсиз бўлиб қолганида паранжи-чиммат қилмаслигига рухсат бор. Лекин шундай бўлса ҳам, иффатларини сақлаганлари ўзлари учун яхшидир.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.